



*Zahvaljujući činjenici da ste rođeni između 00,00 i 01,00 sati, mogli biste biti veoma uspješni u životu. U času rođenja udahnuili ste ogromnu energiju koja Vam stoji na raspolaganju i koja Vas čini drukčijim od ostalih. Poduzetnog ste duha i spremni ste da se upuštate u riskantne i opasne pothvate ne štedeći svoju energiju. Životni uspjeh je ono što Vas motivira i što je najveći pokretač svih Vaših osmišljenih aktivnosti. Bez toga biste se osjećali potpuno zapostavljenim, suvišnim i beskorisnim.*

*Ponosni ste i častohlepni, temperamentni i lako padate u afekte, ali oni, srećom, rijetko dugo traju. Posjedujete stalnu želju za promjenama, što u Vaš emotivni svijet može unijeti poprilično nereda. S iskustvom i godinama postajete sve seriozniji i uspješniji!*

*Puno sreće,*

***Vaša AstroArca***



## *Šta kažu drevni astrolzi?*

**V**i ste samostalni, pozitivni i aktivni. Sudbina Vas je obdarila da u životu djelujete kao inovator, a po svom senzibilitetu mogli biste biti i hrabri istraživači. Vaš duh odlikuje znanstvena radoznalost, originalnost i kreativna imaginacija. Inteligentni ste, istrajni, ponekad dosadno logični ali puni ljubazne agresivnosti. Vaša ambicioznost Vas izvlači iz anonimnosti i ukoliko budete poštovali svoje unutrašnje porive Vi biste mogli dosegnuti slavu, moć i blagostanje.

Spadate među one osobe čije su namjere uvijek jasne i nedvosmislene. Vi uvijek tačno znate šta želite i teško Vas je odvratiti od Vašeg zacrtanog puta. Vi ste konstruktivni i originalni, rođeni vođa koji se rijetko kome obraća za savjet ili za pomoć. Pa ipak, iznutra ste najčešće uplašeni i oprezni, ali kad trenutak od Vas to traži, Vi uvijek skupite dovoljno hrabrosti i smjelo idete naprijed, ostvarujući svoje planove i zamisli. Istodobno, Vi ste emotivni, vitalni i energični i u stanju ste da savladate gotovo sve teškoće i boli, a da se pri tom nikome nikada ne žalite.

Prilagodljivi ste u svemu i svačemu, i nikada se ne povlačite pred svojim obavezama, ma koliko one bile zahtjevne. Ponekad djelujete kao da ste ekscentrični, dominantni, netrpeljivi, tvrdoglavi i netolerantni (što je donekle i tačno), ali te osobine vješto potiskujete i one su najčešće u sjenci Vaše popularnosti u sredini u kojoj živite i djelujete. Najčešće ste predmet divljenja okoline i to je ono što Vas uvijek nanovo motivira.

To i nije nikakvo čudo, jer ste Vi uistinu veoma širokogrudni, tolerantni i plemeniti i znate da pokažete saosjećanje sa slabijim i nezaštićenim. Niko kao Vi ne zna da prašta ljudima njihove nekorektnosti i zloče. Zbog toga među osobama koje Vas poznaju imate veliki uticaj. Vi imate duboko usađen osjećaj odgovornosti prema onima koje volite i mada niste posebno ljubomorni, znate postati nemilosrdni u trenucima kada saznate za nevjerstvo voljene osobe.

U ljubavi ste posebni. Volite razumno, vijerni ste i odani, čuvate porodično gnijezdo, ekonomični ste i ne patite od pretjerane ekstravagancije.

Lijepo izgledate i privlačni ste, iskreni i nježni, znate kontrolirati svoje emocije, spremni ste na kompromise i po svaku cijenu izbjegavate svađe.

To o Vama kazuje Vaše ime i prezime!

## *Priroda Vaše ličnosti*



**OPŠTE KARAKTERISTIKE:** Osobe rođene u prvom satu su karakterne, ambiciozne, uporne, snažni individualisti, dobri organizatori, odlične vođe, ali ako se uljuljkaju u slavi, mogu postati žrtve sopstvenog kulta ličnosti – sebični, pohlepni, netolerantni, opaki i bezdušni.

Pored svoje emotivne prirode, kojom plijenite, Vi ste osoba koja posjeduje ogromnu moć rukovođenja nad masama ili

pojedincima. Poprilično ste revolucionarni i imate energičan duh sa velikom unutrašnjom snagom i voljom koja može dugo biti potisnuta, ali kad se jednom ispolji, Vi planete i sve oko sebe zasjenite svojim moćnim duhom i svojom čudesnom osobnošću.

Veoma ste zntiželjni ali i ambiciozni, možda kadkad i pretjerano samouvjereni i tvrdoglavi. Teško se odričete svojih ideja i kreacija, pa Vam život ponekad nije ugodan a ni bez problema.

Samostalni ste i hrabro ulazite u sve vrste izazova, jer niste kukavica i volite opasnosti ma kakve one bile. U svom životu ste okruženi malim brojem prijatelja od kojih zahtjevate slijepu vijernost, duboku iskrenost, bespogovornu poslušnost, a za uzvrat Vi ste u stanju da sve učinite za svoje prijatelje i kad su oni u pitanju Vama nijedna žrtva nije velika niti strana.

Volite afirmaciju i novac ali niste gramzivi, jer Vama novac služi za neke samo Vama poznate i dostupne ideale. Temperamentni ste i puni mašte i fantazije, koju s vremena na vrijeme, prenosite u stvarnost, u svakodnevni ljubavni život.



## *Vibracija Vašeg sata rođenja*

**CRVENA:** Sat u kome ste ugledali svjetlost života simbolizira liderstvo, osobe koje imaju inicijativu i koje uvijek idu naprijed. Nezavisni ste, vizionar i djelujete kao pionir na svim poljima Vaših interesovanja. Prihvatate odgovornost i uvijek ste za

korak ispred ostalih!

Crvena zrači snažnom takozvanom muškom energijom povezanom sa principom oca, a ako nema i ženskog principa te osobe su prenaporne i dominantne, osjećaju se važnim i uvijek teže da u svemu budu prve i da budu zapažene. Zbog toga osobe rođene u prvom satu u sebi nose osjećaj liderstva. Možda se na prvi pogled to i ne primjećuje, ali kada postanete svjesni da posjedujete tu crtu, obavezno aktivirajte kreativnu energiju u sebi, vežite je sa CRVENIM ZRAKOM da bi Vas ispunio energijom koja Vam je potrebna. Možda Vam kao djetetu nije bilo moguće ili nije bilo dopušteno koristiti neke Vaše sposobnosti - to saznanje pomoći će Vam da otkrijete sebe, a onda možete hrabro naprijed.

Osobama koje posjeduju vibraciju prvog sata rođenja, potreban je kreativan posao kako bi se ispunili važnošću i ambicijama, inače bi mogli postati frustrirani, zavidljivi, pa i zli. Jer, potencijali Vašeg broja rođenja mogu se upotrijebiti na mnoge načine.

*Kakva je Vaša karma?*



Vašu karmu određuju simboli vezani za sat Vašeg rođenja. To znači sljedeće:

**PLANETA:** Sunce

**BOJA:** Žuta i zlatna

**DRAGI KAMEN:** Biser, opal i oniks

**METAL:** Zlato

**U TIJELU:** Srce

**ŽIVOTINJA:** Lav, orao i konj

**HOROSKOP:** Lav, Jarac, Blizanac

**SIMBOLIKA:** Jedinstvo, svjetlost, ambicija, stvaranje...

**LIJEČENJE BROJEVIMA:** Sat u kojem ste rođeni odgovara glavi i plućima. Ako imate puno jedinica u imenu i prezimenu (pogledajte NUMEROLOGIJU), postoji često tendencija ka kompleksu inferiornosti (kompleks manje vrijednosti) i bolest se često javlja usljed nemogućnosti da se realiziraju originalne ideje. Rođenim u satu Vašeg rođenja veoma prijaju vježbe dubokog disanja, koje su čak i osnovne za svaki uspjeh.

**PRIRODA SATA VAŠEG ROĐENJA:** Nijedan broj nije kao broj Jedan, a on je simbol sata Vašeg rođenja. Jedan je broj božanske suštine i božanske energije, broj koji se može dijeliti sa bilo kojim brojem a da ga pri tome ne promijeni, kao što moć duha ulazi u sve ne mijenjajući svoju formu. Njegova priroda svodi se na intelekt i muškost. On označava kreaciju, promjenu i pionirske poduhvate. Najavljuje nove događaje, nove situacije i nema dana kada se ne javi u imenu ili u vremenskom ciklusu svake osobe.

Broj sata u kome ste rođeni je broj određenosti. On posjeduje agresivnost, akciju i ambiciju. Cilj ovog broja je da stekne prvenstvo ili autoritet zapovijedanja. Zbog toga je moć volje osobe rođene u ovom satu toliko razvijena (i kreće se u kružnom toku) da može sama sebi postati ciljem.

Međutim, kad nije angažovana na ostvarenju vlastitog cilja, priroda ovog broja se mijenja i postaje uobražena, okrutna i

sebična. Istodobno, kao svoj vlastiti cilj pred sebe postavlja malodušno zadovoljavanje sitnih interesa, a svoje postupke objašnjava kao dio prirodnih svojih dužnost. Broj sata u kome ste rođeni je simbol Boga, ali i Čovjekove izuzetne duhovnosti.

Planetarni ekvivalent broja Jedan je Sunce, simbol života, dana, svjetlosti, stvaranja, životnog daha, novih početaka, inventivnosti, genijalnosti, izvornosti i blistavosti.



## *Okultno i ezoterijsko značenje*

Sat u kome ste ugledali svjetlosti života, kako smo rekli, nosi osobine broja Jedan koji simbolizira Vrhovnog Tvorca Božanske prirode i Kozmičke svjetlosti. Broj jedan je Jedinstvo, Svjetlost, Ambicija i Stvaranje. On označava Jednotu, Božanski Apsolut, Savršenstvo, Nebo i Nebesku harmoniju. To je jedini broj koji pomnožen ili podjeljen sa sobom daje uvijek sebe. Stoga su mistici u svim vremenima – od antike do danas - ovom broju pripisivali uzvišeno božansko porijeklo i poistovećivali ga sa samim Stvoriteljem.

Jedan je središte u kome je sve sadržano i odakle potiče svaka kreacija i aktivnost. To je centar koji dotiče sve i koji se prostire svuda, nedjeljiv i neophodan u apsolutnom smislu, jer nema broja u kome nema broja jedan.

U gotovo svim ezoterijskim učenjima svijeta, Jedan je muški, božanski princip, Srce mističnih učenja i vještina, Akasha, Prapočelo, Pramaterija, Pra-Duh... Na crtežima prastarih ezoterista, Jedan je predstavljen u vidu zmije koja zagrizla vlastiti

rep, tako da tvori krug, nulu, okultni Apeks. U središtu kruga odgovarajući natpis na grčkom: 'En to Pan!', odnosno: 'Jedan je sve!'

## *Budući da je Vaš broj sudbine...*



**JEDAN:** Vi ste rođeni u znaku broja Jedan i on je odredio Vašu sudbinu! Numerolozi smatraju da Vi, zahvaljujući broju Jedan, imate osobine vođe koji je u stanju prevladati sve teskoće pred sobom. Vi ste perfekcionista koji previše očekuje i od sebe i od drugih. Uporno pratite put koji ste sebi zacrtali ne brinući se o tome šta će drugi misliti i kako će reagirati. Svoju razornu prodornost morat ćete stalno držati pod kontrolom, da biste dokazali svoje savršenstvo. Ispod Vaše naoko nepristupačne i grube prirode ipak se krije veoma profinjani duh.

Osobe koje su rođene u prvom satu i koje nose numeričku vrijednost broja Jedan, kao što ste Vi, pomalo su egoistične i cijeli svijet gledaju iz svoga ugla i iz svoga interesa. Vi se dobrano zaokupljate sobom, jer je osnovna karakteristika broja Jedan, upravo ta osobina, koja ima i pozitivne i negativne aspekte. Vi stalno pokazujete iskrenost, poštenje i odanost i dobro znate šta tražite od života. Zahvaljujući svojim ambicijama i upornosti nijedan cilj Vam nije neostvariv. Pred Vašim interesima, svi drugi (tuđi) interesi postaju manje važni i drugorazredni.

Vi ste dobar organizator i snažan individualista, koji ne podnosi život u sjenci. Vi u sebi nosite sve odlike dobrog lidera i



velikog vođe. U nekim prilikama, skloni ste (a to je opasnost i za Vas i za okolinu) da se uljuljkate u slavi i samodopadanju, tako da Vam se može dogoditi da postanete žrtva sopstvenog kulta ličnosti, pretvarajući se u bezdušno sebičnog diktatore i tiranine.

**SAVJET:** Osobe kojima je Jedan ‘broj rođenja i subine’ moraju biti svjesni svih mana koje prate snažne karaktere kao što su one. Zbog toga snagu svoje ličnosti i ambicioznost treba da razvijaju u pozitivnom smjeru, a ne da ih pretvaraju u mane, kao što su sebičnost, pohlepa, netolerantnost, osionost, zloča i tiranija.



## *Ljubav i godišnji ciklus*

Vaše osnovne karakteristike su da ste nezavisni, impulsivni i nerjetko svojeglavi. Želite da stignete do uspjeha sami. Zbog toga Vas i na sentimentalnom planu vodi strast. Vi volite ili ne volite i uvijek postupate u skladu s tim. Potrebno Vam je da budete ponosni na svoga partnera, pogotovo jer ga Vi sami birate i ne dozvoljavate da Vam ga neko natura.

Međutim, imate teškoća kad treba da činite neke ustupke, da žrtvujete nešto od svoje slobode, pa više volite malo pokornijeg i tolerantnijeg partnera ili partnericu nego onog koji će Vam se suprotstavljati. Budući da ste kreativniji, hrabriji, odvažniji i dinamičniji, Vi ste pokretačka snaga i inicijator svake aktivnosti.

U ljubavi Vam idealno odgovaraju osobe koja je rođena u vremenu od 01,00 do 02,00 ili u 13,00 do 14,00 sati!

**GODIŠNJI CIKLUS:** U sljedećem dvanaestomjesečnom vremenskom ciklusu spremni ste za nove početke, nova djela i nove poduhvate. Okušat ćete se i bit ćete uspješni na mnogim poljima.

Pored Vas prolaze male stvari; no Vi ih posmatrate sa nipodaštavanjem i prezirom; u tome je upravo Vaša najveća greška, jer Vi čekate samo ono što smatrate velikim, značajnim, izuzetnim, nesvagdašnjim, jedinstvenim; a život se sastoji i od malih stvari! Ko nije zadovoljan u malom, kaže narodna mudrost, neće biti zadovoljan ni u velikom.

**Zapamtite:** I najduži put počinje prvim korakom!

Sve za Vas

## HOROSKOP PO DANU ROĐENJA!



Pored općih karakteristika koje sa sobom nose horoskopski znakovi, drevni numerolozi su po datumu rođenja uspješno određivali psihološki profil svake osobe. Želite li da znate kojem astrološkom tipu Vi pripadate? Dovoljno je da upišete svoj datum rođenja i dobit ćete kratku, ali jasnu analizu Vaše ličnosti. Pokušajte!

**NAPOMENA:** Astro-Arka.com pruža astrološka predviđanja bazirana na autentičnim astrološkim učenjima i principima drevnih proročkih tehnika. Pa ipak, ona u sebi nemaju znanstveni pristup. Stoga i ne mogu predstavljati definitivni pravni, poslovni, psihološki, medicinski, finansijski ili bilo koji drugi savjet.